



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1549. usque ad annum 1551 - ... Atque Tabulis  
Chronologicis Ab Anno Christi 1000 Usque Ad 1595 ...

**Fleury, Claude**

**August. Vind. [u.a.], 1770**

**VD18 90118537**

Lectori Benevolo Salutem.

---

[urn:nbn:de:hbz:466:1-66584](https://nbn-resolving.org/urn:nbn:de:hbz:466:1-66584)



*Lectori Benevolo Salutem.*

**E**quidem in Historia Clarissimi D. Fleurii latine reddita Tomus vigesimus exhibet Tabulas Chronologicas, in quibus ad utilitatem eorum, quibus copiosa non suppetit aut librorum supellex, aut deest temporis opportunitas, unico veluti obtutu conspicienda datur Chronologica rerum gestarum series, ac synopsis: cum autem hæ Tabulæ non nisi usque ad annum Christi 999. fuissent protractæ, Eruditorum autem quam plurimi sæpius me stimulassent, ut earum alteram concinnarem partem, ac saltem eo usque, quo Fleurii Abbatis Continuator suam deduxerat Historiam, illas prosequi vellem, hinc eorum desideriiis, imo opportunis, ausim dicere, pre-

precibus pro ingenii mei tenuitate satisfacere constitui, & quamvis ejusmodi laborem Chronographicum Eusebius, S. Hieronymus, D. Prosper Aquitanus, S. Ado Viennensis, Marianus Scotus, Sigebertus, Dochechinus Abbas, Robertus a Monte, Trithemius, Panvinius, Genebrardus, Baronius, Gualterus, ambo Paggii, alique non pauci tam veteres, quam recentiores Chronographi in se susceperint, nihilominus cum horum opera vel non omnibus præsto sint, vel eorum aliqua minus accurato labore sint concinnata, ideo haud supervacaneum fore hunc conatum meum arbitrabar, si pro Lectoribus Fleurianæ Historiæ evolvendæ assuetis accommodas subnectam ejusmodi Tabulas, ex quibus, ut alia taceam emolumenta, saltem in Lectorum utilitatem promanabit temporis commodum, memoriæ in retinendo firmitas, atque ingenii in perscrutando facilitas & in laborando alacritas.

Cum autem in studio Chronologico  
haud exiguum suppeditet auxilium Pa-  
schatis

ſchatis Tabula ſeu certæ diei enumeratio, ubi indicatur, in quem diem Paſchatis Dominica quovis anno concurrat, hinc Paſchale hoc tempus uſque ad primum Chriſti annum revocare, atque ejuſmodi Tabulam præfigere volui, ut emergentibus dubiis Lector ad illam veluti ad certum, fixumque temporis punctum, a quo cetera dimetiri poſſet, recurrere valeat; adjeci inſuper literas Dominicales, atque Indiſtiones Romanas, quas tamen neutiquam a primo Chriſti anno incipere neceſſarium duxi, partim quod facili negotio a quovis ad hoc uſque tempus extendi poſſint, partim quod conſultius cenſuerim inchoare ab anno Chriſti trecentefimo vigefimo quinto, cum illo anno Concilium Generale Nicænum I. celebratum decreverit, Paſcha celebrandum eſſe die Dominico poſt decimam quartam Lunam Menſis Martii. Hunc itaque laborem meum, Amice Lector æqui, bonique conſule, & qualibuſcunque conatibus meis fave.

TABULA